

**Mirsad Hadžikadić:**

Zapravo nisam čak ni razmišljao o tome. Znam da ćemo glasati u jednom trenutku, vjerovatno oko 11:00, a onda bismo mogli dogovoriti neke događaje. Razmišljamo o tome sada. Ne događaji kampanje, nego nekakvo prisustvo u gradu. Niko me ne može spriječiti da šetam ulicama Sarajeva i da me ljudi prepoznaju. To važi za subotu ali nisam siguran važi li za nedjelju jer ljudi su na glasanju cijelu nedjelju. To je dan tišine takođe, ali mi raspravljamo kakve događaje bismo mogli organizovati. Međutim, takođe smo se dogovorili da ćemo se okupiti u 20:00, tridesetak nas, i pozvat ćemo ljude preko Facebooka da nam se pridruže ako žele. Jedna od privatnih televizijskih kuća koja ima dobru gledanost, na kojoj ću nastupiti u petak, rekla mi je da imaju veće prostorije negdje u gradu koje se koriste za zabavu, pa su nam ponudili da to bude naše sjedište za gledanje rezultata izbora, tako da ćemo vjerovatno to uraditi. Prvobitno smo mislili da ćemo biti u jednom od restorana, ali pošto su oni to ponudili, odlučili smo da je možda malo prestižnije i da je poruka snažnija ako smo usklađeni s državnom televizijom. Vjerovatno ćemo ići tamo. Dakle u 20:00 ćemo biti tamo i samo sjediti, razgovarati i gledati objavu rezultata.

**Clark Curtis:**

To je dan izbora, a ti si kandidat. Kakav je to osjećaj za tebe?

**Mirsad Hadžikadić:**

Da. Uvijek to gledate na TV-u. Kao odgovoran građanin, uvijek glasate, i tog dana ja obično oko 21:00 gledam objavu rezultata na televiziji, slušam analitičare i tako dalje. Nikad nisam očekivao da ću biti na toj poziciji, i očito je to u manjem obimu pošto je ova zemlja mnogo manja a politika prljavija i manje izdefinisana. Proces je izbora, sad ste kandidat, rezultati će biti objavljeni i vi prolazite kroz to. To nije lak osjećaj, pravo da ti kažem, jer rezultati će odrediti sve: da li će se nastaviti ovaj osjećaj napretka, da li će ostati i nastaviti se ova energija uz dobre rezultate, ili će ona splasnuti s lošim rezultatima pa onda da moramo dogovarati kako da sve ponovo okupimo u jednu političku stranku ili pokret. Ali, osjećaj je da ćemo vidjeti šta je polazna crta, a to će odrediti naš daljnji smjer djelovanja. Jedina stvar koje se bojim je da možda nećemo ni znati polaznu crtu, jer će biti mnogo ljudi koji neće glasati za mene iako misle da sam najbolji kandidat, ali će misliti da nemam šansu da pobijedim pa će zbog toga iskoristiti svoj glas za odlučivanje između dva „manja zla“. Takođe se bojim izborne prevare, i siguran sam da će krasti

moje glasove pa ja neću znati koliko zapravo imam. Jedina stvar koju žalim je da, bez obzira šta se dogodi, ja definitivno neću znati stvarni broj ljudi koji smatraju da sam ja najbolji kandidat. Pretpostavljam da je to nešto što ćemo otkriti u budućnosti, kad se uvede elektronsko glasanje u Bosni i Hercegovini.

**Clark Curtis:**

Bit ću ovdje, ali želim ti poželjeti sve najbolje. Ovo je bilo nevjerovatno za mene. Ne želim da ovo završi u nedjelju, nego želim da nastavimo razgovarati o ovome.

**Mirsad Hadžikadić:**

Hvala ti. Takođe je nevjerovatno da su me mnogi ljudi na ovim skupovima zamolili da nastavim i da ih obavijestim o stranci koja im je potrebna i koju moramo osnovati. Oni žele da budu članovi i da nastave raditi s nama na tome. Dakle, postoji taj osjećaj želje da se nastavi s ovim. Bilo je nevjerovatno i ugodno raditi s tobom na ovome, i ja to cijenim i radujem se razgovorima u budućnosti, jer sam siguran da ćemo naučiti neke lekcije bez obzira šta se dogodi, i da će se one vremenom same otkriti mada trenutno nisu očite. Hvala ti, Clark.

**Clark Curtis:**

Hvala tebi.